

Komisija za nadgledanje privatizacije

Visoki predstavnik, Carlos Westendorp, je danas otvorio prvi sastanak Komisije za nadgledanje privatizacije.

Nezavisna komisija, koja se sastoji od tri istaknuta člana, uspostavljena je u cilju nadgledanja procesa privatizacije u Bosni i Hercegovini i davanja specifičnih preporuka Visokom predstavniku u pogledu bilo kojeg pitanja koje se pojavi u procesu privatizacije.

Visoki predstavnik je pozdravio tri člana Komisije koji će predsjedavati njenim redovnim sastancima:

- gospodina Swedera van Wijnbergena, generalnog sekretara holandskog Ministarstva za ekonomski pitanja.
- Gospodina Daniela Weinsteina, penzionisanog sudiju koji je radio na Vrhovnom sudu u San Francisku od 1982. do 1988. godine. Postigao je uspješnu karijeru kao medijator u osnovnim ekonomskim sporovima u SAD-u i drugim zemljama.
- Gospodina Jaana Manitskog, bivšeg ministra vanjskih poslova Republike Estonije i bivšeg predsjednika Odbora za rokovođenje procesom privatizacije u Estoniji.

Sekretariat koji okuplja visokokvalifikovano stalno osoblje na čijem čelu se nalazi direktor Marie Fucci, je već počeo sa svojim radom.

Visoki predstavnik je naglasio značaj privatizacije za budućnost ove zemlje. Privatizacija se mora provesti brzo i uz potpuno poštivanje odredbi Općeg okvirnog sporazuma za mir i Okvirnog zakona BiH o privatizaciji preduzeća i banaka.

Visoki predstavnik je Komisiju zamolio da pomno prati sadašnju situaciju u pogledu privatizacije i da odmah da preporuke u cilju rješavanja pitanja koja bi mogla odložiti taj proces.

U naredna dva dana Komisija će održati sastanke sa nadležnim organima iz BiH i entiteta, sa Agencijama za privatizaciju i Direkcijom za privatizaciju iz RS-a, kao i sa članovima međunarodne zajednice koji se bave pitanjem privatizacije. Ovaj prvi sastanak Komisije će biti zaključen u petak, 29. januara 1999. godine.